



Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Health

Broj: 10-04-2697/22  
Sarajevo, 27.07.2022.godine

J.U. ZAVOD ZA JAVNO ZDRAVSTVO  
KANTONA SARAJEVO

Broj: 05.3.34-6096 / 22 god

Datum, 26-09-2022 / god

JU Zavod za javno zdravstvo Kantona Sarajevo  
n/r direktorice, Mr dr prim. Alma Bungur  
adresa Dr Mustafe Pintola 1/III, Sarajevo

**Predmet: Poslaničko/zastupničko pitanje – dostavlja se**

Poštovana,

U prilogu akta dostavljamo Vam poslaničko/zastupničko pitanje poslanika/zastupnika Aljović Hameda, koje je postavio na 53. Radnoj sjednici Skupštine Kantona Sarajevo, održanoj dana 06.07.2022.godine, u okviru tačke Dnevnog reda „Poslanička/zastupnička pitanja, inicijative i odgovori“.

Potrebno je da Ministarstvu zdravstva Kantona Sarajevo, dostavite detaljan odgovor na postavljeno pitanje, kako bismo isti prosljedili Skupštini Kantona Sarajevo.

S poštovanjem,



KANTON SARAJEVO- Skupština Kantona Sarajevo

Zastupnik u Skupštini Kantona Sarajevo: *Hamed Aljović*

KANTON SARAJEVO - Skupština Kantona Sarajevo

Predsjedavajući – Elvedin Okerić

U skladu sa članovima 106., 213. i 214. Poslovnika Skupštine Kantona Sarajevo ("Službene novine Kantona Sarajevo" – Drugi novi prečišćeni tekst, broj: 41/12 ,15/13, 47/13, 47/15 i 48/16), upućujem sljedeće

### ZASTUPNIČKO PITANJE

prema: Ministarstvu zdrastva Kantona Sarajevo

n/r Ministru Haris Vranić

#### PITANJE

Molim Ministarstvo zdrastva KS, da mi odgovori: Dali ste upoznati sa nezakonitim provođenjem konkursa JU „Zavod za javno zdrastvo“ Kantona Sarajevo i štaće te poduzeti po tom pitanju?

#### OBRAZLOŽENJE PITANJA

Na konkursu za radno mjesto kurira odbijeno je Šehidsko dijete (Dijete bez oba roditelja) gdje je poslije pismenog ispita imao najviše bodova. Na usmenom ispitu bez prisustva supervizora kandidatu koji je primljen dato maksimalan broj bodova a prvoplasiranom (Alija Alić) minimalan broj bodova.

**PITANJE POSTAVLJENO NA 53. Radnoj sjednici Skupštine Kantona Sarajevo, održanoj 06.07.2022. godine.**

Zastupnik

-----  
Hamed Aljović



Broj: 05.3.34-6096-1 /22  
Sarajevo 03.10.2022. godine

KANTON SARAJEVO  
MINISTARSTVO ZDRAVSTVA  
71 000 SARAJEVO

**PREDMET:** Odgovor na zastupničko pitanje ( veza dopis Ministarstva zdravstva Kantona Sarajevo, broj:10-04-26971/22 od 27.07.2022.godine)

U skladu sa Vašim dopisom broj:10-04-26971/22 od 27.07.2022.godine koji je Zavodu dostavljen 26.09.2022.godine, u vezi zastupničkog pitanja zastupnika Aljović Hameda, dostavljamo sljedeći odgovor:

J.U. Zavod za javno zdravstvo Kantona Sarajevo je konkurs za prijem na radno mjesto Kurir proveo u skladu sa Uredbom o postupku prijema u radni odnos u javnom sektoru na teritoriji Kanton Sarajevo te je Odlukom o prijemu u radni odnos na određeno vrijeme do jedne godine izabran kandidat koji je na prvom mjestu Liste uspješnih kandidata sa bodovima broj:05.15.136-2376/22 od 01.04.2022.godine, što je u skladu sa Uredbom o postupku prijema u radni odnos u javnom sektoru na teritoriji Kanton Sarajevo („Službene novine Kantona Sarajevo“ broj:19/21) kojom je propisano da Poslodavac prima u radni odnos onog kandidata, koji se nalazi na prvom mjestu Liste uspješnih kandidata.

Izabrani kandidat je ostvario 24 boda na pismenom ispitu i 15 bodova na usmenom ispitu te je ostvario i dodatni broj bodova na osnovu Instrukcije o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“ broj: 38/20 i 28/21).

Kandidat Alić Alija je na pismenom ispitu ostvario 22 boda što znači da nije imao najviše bodova te je na listi bio sedmi od ukupno devet kandidata. Napomene radi maksimalan broj bodova za pismeni ispit je bio 30 bodova. Na usmenom ispitu je ostvario 9 bodova, što znači da su netačni navodi da je ostvario minimalan broj bodova na usmenom ispitu, jer je minimalan broj bodova koji se mogao ostvariti 3 boda .

Na pismenom i usmenom ispitu je prisustvovao supervizor i isti je potpisao Zapsinike o radu komisije u kojim je utvrđeno provođenje pismenog i usmenog ispita kao i ocjene kandidata.

I Alić Alija i izabrani kandidat su ostvarili pravo na dodatne bodove u skladu sa Instrukcijom o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“ broj: 38/20 i 28/21).

Na web stranici Zavoda <http://www.zzizks.ba> javni oglasi, imaju javno dostupna dokumentacija u vezi konkursa za prijem u radni odnos kurira kao i rang liste sa ostvarenim bodovima.

Ukoliko smatrate da je i pored javno dostupne dokumentacije neophodno dostaviti kompletnu dokumentaciju konkursne procedure stojimo na raspolaganju.

Za sve dodatne informacije možete se obratiti Zavodu na adresu Dr.Mustafe Pintola I/III, Ilidža ili na broj telefona 033-627-889.

S poštovanjem,

